

晉溪本兵敷奏

晉漢本兵數奏卷四

今鴈門寧武偏頭三關在太原北境密邇虜地者也鴈門之東北為雲中即今大同府

朝廷於大同屯兵命將鎮守固足為太原之屏蔽然虜自西北馬邑而入則大同路遠亦不能為之援正德九年虜賊大舉過鴈門深入崞代逼近晉城大同諸路兵應援不及虜賊得利而出正德十一年春邊臣奏報虜賊大營移過河東威寧海子住牧山西亦報瞭見境外煙火五

十餘里瓊竊料是歲秋必又入寇乃預為之備  
既申嚴宣府大同之邊備復奏令山西嚴設守  
備又奏請遣將出師差大臣督餉又奏調延綏  
兵馬過河於偏頭關等處住劄又奏留巡撫官  
不必改調又奏提宣府失事總兵官下獄分布  
既已得宜人心又知警懼是年十月虜賊大舉  
由偏頭關入寇諸將合兵擊殺遂有鎮西之捷  
虜賊百餘年來入寇始遭此挫亦足以守中  
國之威矣

為炮火聲息等事

看得山西巡撫都御史李鉞鎮守太監羅箒副總兵  
郭錦奏稱本年正月二十三日晝見煙火東西約長  
五十餘里誠恐舉衆壓境而來三關地方兵力寡少  
不能捍禦乞要預先請會延大二鎮鎮巡等官各將  
該鎮遊兵遇警徵調督發前來交界地方駐劄會剿  
一節查得先該都御史陳天祥等奏稱北虜遠遁班  
師未久而提督鴈門等關都御史李鉞等即奏本年  
正月內達賊三十餘騎折口入境又稱瞭見煙火東  
西約長五十餘里顯是虜賊擁衆近邊駐牧若不嚴  
加隄備萬一此賊大舉入寇貽患非輕合無請

勅大同宣府延綏并山西各該鎮巡等官各照地方  
操練軍馬嚴謹烽埃及選察乖覺夜不收人役遠為  
哨探遇有聲息互相傳報相機戰守不許似常玩忽  
失機誤事交界地方應該會合策應去處依律徑自  
約會督令遊竒兵馬即時會合策應敢有自分彼此  
推奸逗遛因而失誤軍機依律叅奏從重處治本部  
仍行提督團營內外大臣并西官廳監督等官查照  
往年事例選練人馬聽候虜勢衆大聲息緊急出  
征防禦各將選練聽征官軍事宜查議停當具奏  
定奪

正德十一年二月十四日具題奉

聖旨是各邊方戰守等項事宜近已有勅着各該鎮  
巡等官預備處置了恁部裏還行文與他每知道欽此  
為緊急邊情事

查得先因南京都察院操江都御史員缺會推得巡  
撫山西右僉都御史李鉞等堪以調用及推得浙江  
左布政使任鑑等堪以陞用山西巡撫等因各題奉  
欽依李鉞調南京操江任鑑陞右副都御史山西巡  
撫訖為因遠方都御史有例等候交代方許離任又  
該兵部行文將李鉞暫留山西巡撫等候交代外照

得即今捉獲姦細供稱虜賊要來大舉入寇臣等會  
同太子太保吏部尚書陸完等議得近調操江都御  
史李鉞雖暫留山西等候交代但即日邊情緊急誠  
恐三關地方官軍人等因見李鉞改調懈怠不聽約  
束其任鑑就便到彼但任事之初號令急難展布誠  
恐誤事合無將李鉞照舊巡撫山西用心整飾三關  
邊備任鑑改南京都察院右副都御史操江請換

勅書欽此

行事其李鉞領到操江

勅書徑自奏繳正德十一年八月初一日具題本月  
初三日奉

聖旨是李鉞任鑑各換勅與他欽此

為急處邊務事

看得提督三關都御史李鉞等奏稱提督軍務右侍郎丁鳳等將三關遊擊將軍張錡官軍調赴大同聽調殺賊今虜賊漸移向西倉卒乘虛突入鎮西岢嵐等處逼近省城貽患非細况三關兵馬不多遊兵已調大同截殺本關兵馬愈致單弱乞要從長計議調取延綏人馬一二枝分布老營堡等處緊要地方住劄及將遊擊張綺仍回本關協同防守一節切詳三關遊兵原奉 欽依非有十分緊急不能調動遠去

况近該提督軍務右侍郎丁鳳等節報賊營漸移向西則三關委係急當預備去處及查延綏人馬見已調來但清水營止離偏頭關一日之程中隔黃河止有渡船四隻倘遇有警擺渡不及不惟緩不及事抑恐被虜邀擊其半深為不便合無本部移咨侍郎丁鳳會同監督太監等官將張綺官軍發回本關防守仍令延綏差來奏事人馬上齎文回交與王勛將原調人馬過河在於偏頭關等處隨宜駐劄相機截殺事寧各照原擬施行正德十一年九月初九日具題奉聖旨是欽此

為炮火聲息事

看得提督鴈門等關都御史李鉞等奏稱點虜營巢一半已過河西尚未遠去遺留一半在於河東駐牧正德十一年十二月初四日二十餘騎潛伏偏頭關外地方射死墩軍二名射傷一名意其大遭剽劫之後復讎之舉難保必無代州三關地方廣闊兵力寡弱已經調請大同二枝遊兵一枝前來偏頭關住劄以備西北黃河二路警急一枝徑赴老營堡住劄以為兩鎮之援等因查得前項都御史王憲奏稱正德十一年十一月十九日達賊二千餘騎在於河西下營

今都御史李鉞等又奏達賊一半在於河東十二月  
初四日射死墩軍顯是虜賊謀犯三關未曾遠去若  
不預防必致失事即今立春已過黃河凍開在邇合  
無本部行文提督三關都御史李鉞作急選差乖  
覺夜不收哨探虜賊若是河開大勢俱過河東近關  
駐牧整搦本關人馬多方設法嚴謹固守仍照例徵  
調大同延綏宣府遊竒兵馬會合應援其賊情多寡  
遠近務須哨探得實方許酌量緩急隨宜徵調不許  
輕忽一槩妄調虛勞士馬顧此失彼責有所歸本部  
通行延綏大同宣府各鎮巡官亦要各差的當人役

分投哨探本處賊情寧息及探虜衆大勢河凍未開  
之先如果俱過河東逼近三關住牧遇有山西三關  
鎮巡官請調明文到彼即便照依常例如期赴援亦  
不許逗遛畏縮互相推托失誤軍機及看奏內叅稱  
守備都指揮傅鐸號令欠嚴千戶王輔提調不謹一  
節合無本部移咨都察院轉行巡按山西御史查勘  
別無隱匿重情將王輔提問依律議擬照例發落守  
備都指揮傅鐸近已推陞寧夏叅將又有斬獲功次  
見行查勘今因射死墩軍叅稱號令欠嚴情犯頗輕  
合無依律免問伏乞

聖裁正德十二年正月十八日具題奉

聖旨是王輔提了問傳鐸罷固守應設等項事宜都  
依擬行欽此

為捷音事

該鎮守山西副總兵都督僉事郭錦奏正德十一年  
八月初十日准本鎮遊擊張綺手本蒙提督軍務右  
侍郎丁鳳等會議鈞帖調去大同地方聽總兵官時  
源分布截殺臣見得本鎮地方廣闊兵力寡弱本關  
止有次兵一千有餘倘遇警報恐誤大事會同鎮守  
山西太監羅籛巡撫山西右僉都御史李鉞具題乞

勅該部役長計議調取延綏精壯人馬三枝分布老  
營堡寧處住劄及將遊擊孫公錡仍回本關防守該兵  
部議擬奏 准將遊擊張鉤官軍發回本關防守仍  
將延綏總兵官王勛原調八馬過河在於偏頭關等  
處隨宜住劄後蒙監督軍務太監張忠等會議鈞帖  
因賊西行又將延綏竒兵副總兵安國分布偏頭關  
按伏至正德十一年十月十二日酉時分據原差平  
虜衛爪探夜不收李谷智走報本日卯時分平虜衛  
三山墩哨見達賊三千餘騎往西行走續據守備偏  
頭關地方都指揮同知傅鐸呈據平良泉墩夜不收

劉景原走報本年十月十二日戌時分瞭見達賊約有二萬餘騎張打旗號進入邊夾道下營從水泉營紅門迤東梨兒墩等處拆開邊牆二十餘處至十三日寅時分進入邊裏分路南行等因備報到臣當即帶領守備傅鐸會同副總兵安國并戰鋒營都指揮朱泉等於本日各統兵馬襲賊踪路前到地名土溝臣熟思此賊馬壯器鋒其性獷悍加以衆多又况兵馬寡少勢甚難敵一面差夜不收李通朱名分投馳調老營堡遊擊張綺并坪城延綏遊擊朱鑾朔州城延綏遊擊等杭雄星飛前來截殺一面差夜不收常青

馳調平虜及城寨將李淳遊擊盧卿孫鎮及代州守備  
朱綸寧武關守備趙光各聯絡以備其東一面帖仰  
把總指揮李玠等管領本鎮步軍嚴謹防範城池門  
禁關廟地方一面行仰偏頭所掌印千戶偶威拘收  
附近人畜各入城堡山寨窰窰一面分布本所千戶  
李瀛等率領本關弱馬官軍前往捌柳樹堡截殺布  
置已定臣同副總兵安國等晝夜進兵轍踐向往至  
十五日遊擊朱鑾抗雄張綺各統所部人馬俱至五  
所大寨合兵一處當會各枝將領慮恐賊知我兵聚  
會必然整伍防範臣因將前項兵馬匿形前進攻其

無備出其不意至十六日未時分前來鎮西衛城西  
正遇前賊約有二萬餘騎搶掠牛羊馬騾離城五里  
於西川山莊坪等處下營臣當時會同副總兵安國  
遊擊朱鑾杭雄為左哨遊擊張綺都指揮朱泉為右  
哨臣為中哨各聯絡並進一面鼓舞軍士以報

朝廷恩典一面督率官軍攻進其賊不意臣等兵馬  
猝至披戴盔甲張打旗號列陣吶喊五路來衝塵土  
蔽天兩兵相接矢下如雨渾戰一處塵戰數千餘合  
賊尚未敗臣等奮不顧身督併官兵各用弓箭鎗砲  
一齊射打賊見我兵攻愈勁腹背受敵方纔潰亂

就陣斬獲首級奪獲戰馬以夷器等件衆賊逃往北行  
至本日夜三更時分收兵入城暫歇餒馬至十七日  
寅時分臣等仍照前分哨披襲跡追趕十八日午時  
分至地名許林溝趕上前賊復來衝敵臣等仍督官  
軍併力向前倍加勇狠與賊對敵十數餘合殺敗賊  
衆就陣斬獲首級奪獲戰馬夷器等件餘賊乘夜逃  
遁去訖查得臣部下官軍一千二百員名斬獲首級  
二十六顆張綺部下官軍三千員名斬獲首級六顆  
安國部下官軍三千員名斬獲首級三十四顆杭雄  
部下官軍三千員名斬獲首級五十五顆朱鑾部下

官軍三千員名斬獲首級八顆朱泉部下官軍二千員名斬獲首級一十二顆通共斬獲首級一百四十一顆至十九日遊擊朱繼回兵原擬井坪城張綺回兵老營堡臣同副總兵安國遊擊杭雄都指揮朱泉回兵偏頭關節據各路平良泉等墩坐夜不收劉英等各報稱南來達賊陸續於各墩空經過答話你南朝人馬殺了我多多達達仰天哭痛悲聲不止共約有二萬餘騎俱往正北去訖等因備報到臣會同鎮守山西太監羅籛巡撫山西右僉都御史李鉞議照醜虜近年以來累犯邊陲剽掠人畜蹂躪地方未遭

大劉肆意猖獗畧無厭足今却擁衆入境臣等已將  
在野人畜預行收斂因無所掠以致深入鎮西等處  
被我官軍奮不顧身勦殺大敗似若軍威頗振人心  
痛快非臣等所能實賴

皇上無疆之福廷臣廟謨洪遠之所致也除將奪獲  
被虜牛羊等畜割發鎮西衛岢嵐州各掌印官召主  
識認取領繳照斬獲首級俱送巡按山西監察御史  
處紀驗有功被傷陣亡等項官軍及奪獲戰馬夷器  
等件待勘明白至日分別等第另行造冊進繳等因  
續該巡按直隸監察御史劉澄甫奏稱正德十一年

三  
月  
內  
欽  
奉

勅諭命爾不妨巡按軍前紀錄功次本年十月內節  
據大同傳報平虜等處地方虜寇萬餘深入搶掠臣  
隨聲勢西行查訪問准鎮守大同太監等官馬鋤等  
差人陸續報稱本鎮西路叅將麻循及調來延綏副  
總兵安國杭雄等各部下共斬獲首級九十餘顆奪  
獲達馬數百餘匹軍威大振夷虜懾伏皆

皇上勇智天錫睿謀神授及廟堂元老本兵重臣訂  
謨定計之所致也及照監督軍務太監張忠提督軍  
務兵部右侍郎丁鳳充總兵官左都督劉暉總督糧

餉左侍郎揚潭分布人馬擒獲姦細勤勞頗多功似  
難掩等因造冊奏繳該本部看得大同打魚王川并  
鎮西衛南山莊坪等處斬獲達賊功次既經紀功御  
史劉澄甫經驗覈勘明白造冊奏繳相應照例議擬  
合無將斬獲為首為從并陣亡及衝鋒破敵當先被  
傷占驗書辦等項有功人員各照後開疑目陞賞再  
照近年以來北虜猖獗連年侵寇邊軍對敵動輒失  
利致令長驅深入地方大被蹂躪國威甚是虧損  
今副總兵等官安國抗雄等以能奮勇出奇以寡敵  
衆戰勝克捷遂使虜寇數萬敗散奔走斬獲數多天

下人心為之痛快數十年來未之前聞是皆

皇上神謀睿筭威武大振任使得人將士用命之所  
致也所據各該統兵督兵等官副總兵安國郭錦遊  
擊杭雄朱鑿張綺叅將麻循李淳都指揮朱泉均冒  
矢石各効勞勳應令分別等第論功行賞但查各官  
部下斬首功次杭雄五十五顆安國三十四顆郭錦  
三十一顆朱泉一十三顆朱鑿八顆張綺七顆麻循  
六顆論其功次第杭雄安國功尤顯著似應超擢  
郭錦朱鑿朱泉其功亦多張綺麻循各又次之及查  
得冊開監督軍務太監張忠本部右侍郎丁鳳克總

兵官左都督劉暉預謀設策布兵制勝功實難掩戶

部左侍郎楊潭監督糧餉給軍不乏功亦可錄大同

鎮巡官太監馬錫都御史王憲運謀調兵防禦克敵

山西鎮巡官太監羅籥都御史李鉞巡按御史朱鑑

經畧得宜調度有方他如督兵戰陣分守太監李環

監督神鎗有功太監李睿分督軍餉郎中陳溥分理

軍情山西布按二司守巡官副使等官張鳳珩等四

員先事替畫有功官錦衣衛副千戶王福協謀隨軍

殺賊武舉榆林試知事田畬及紀功御史劉澄甫亦

有隨軍紀功之勞因事督責之力以上各項官員均

有勞蹟可述俱合斷自

宸衷分別輕重各加陞賞或陞職級或加祿俸或進  
勲階或賜賞賚以酬其勞及照臣等叨任本兵愧乏  
長策不能先事預防致使上厯

聖慮無功可錄外伏望

皇上俯照近年剿平流賊事例各量加

恩典以勸將來臣等又議得延綏官軍安國等九千  
餘員名本部先因大同地方七件事預調偏頭關防禦  
客兵遠戍齊力破敵成此全功比之本鎮主兵固守  
者不同合無除前項官軍所獲功次陞賞外其延綏

官軍每員名各加賞銀三兩不為常例借支太僕寺馬價銀二萬兩差行人一員請

勅齋帶前去延綏地方會同彼處鎮巡官宣諭

聖恩唱名給散內有陣亡者給與銀十兩優恤其家庶使人心知所激勸將來樂於效用正德十二年二月二十八日具題奉

聖旨是張忠等奉命出師軍威遠振及班師之後原奉旨調布官軍又能協謀勤賊建立奇功其各該領兵督餉等項官員人等亦俱有功可錄今分別等第陞賞張忠歲加祿米二十四石廕弟姪一人做錦衣

衛正千戶劉暉一子副千戶丁鳳一子百戶俱世襲  
楊潭再廢他一子送監讀書馬錫羅箒各加祿米十  
二石賞紵絲二表裏王憲李鉞朱鑑各陞俸一級安  
國杭雄俱陞都督僉事朱鑾郭錦各陞二級李環賞  
銀五十兩李睿三十兩各紵絲二表裏麻循李淳張  
綺朱泉并王福陳溥孫清劉澤田畬劉澄甫各陞一  
級張鳳虹孔公才各賞銀二十兩梁震等俱依擬陞  
賞蘇鑾等并殷鉉等也照例陞賞他延綏官軍還各  
賞銀二兩陣亡的各給優恤銀十兩兵部大臣運籌  
建議累有成功王瓊加少保兼太子太保尚書仍舊

還廢一子世襲錦衣衛正千戶陳玉賞銀二十兩再  
廢一子送監讀書該司郎中賞給絲二表裏員外郎  
主事各一表裏其餘該廢賞的總部裏還查例來說  
欽此

為強賊白日劫財殺死人命等事

叅照強賊武廷章等聚集人衆妄稱名號截路劫財  
殺人放火地方被其殘害情犯委的深重先該巡撫  
都御史李鉞奏到本部議行本官會同鎮巡官選委  
謀勇官員量調官兵民快上緊跟蹤襲題奉

欽依限兩箇月以裏務要擒捕盡絕過限不獲住俸

提問今都御史李鉞太監吳經巡按御史牛天麟乃能遵奉

勅旨同心經畫嚴督守巡等官僉事徐暹等前後擒斬強賊共八十名俱在限期之內脫逃止有三名功勞委的可嘉合無將吳經李鉞牛天麟請

旨獎勵賞賚僉事徐暹叅政孫祿副使吳江僉事劉琛署都指揮袁勛各量加賞賚知州李崇典史于鵬劉孝吏目蕭敬巡檢鄭寧高忠并有功人員行令鎮巡官查明賞勞及縣丞李祥等十三員指揮張文愷等三員平時雖各疎於防範內華宸王鑣韓章李時

李祥譙東震白汝舟李滄督屬獲賊數多功堪掩罪  
吳得申李本李時又已去任張文愷責任不專況今  
大盜俱已平定合無通免究問賊犯武廷章等移咨  
都察院叅詳明白轉行巡按御史再行會審速正典  
刑照例梟首以示勸懲未獲溫良茂高谷米龐瑀三  
名嚴督各該守巡等官上緊緝捕務要得獲回奏查  
考正德十二年十一月十五日具題奉

聖旨是這強賊武廷章等嘯聚山險流毒地方烏合  
不止百人劫掠非止一處吳經等乃能遵奉勅旨用  
心謀畫嚴督守巡等官俱在限內擒獲脫逃止有三

名功勞良可嘉尚吳經歲與祿米十二石廕弟姪一人做錦衣衛實授百戶李鉞牛天麟各陞俸一級都寫勅獎勵徐暹等五員各賞紵絲二表裏李崇等六員并獲功人員着鎮巡官量行賞勞李祥等十三員張文愷等三員免究問武廷章等再審無異便都依律例決了未獲的着用心挨拏務要得獲欽此

為告領馬匹事

看得鎮守山西太監吳經巡撫都御史張禴奏稱代州鴈門寧武偏頭三關開并禦冬河曲等處原額馬騾九千六百八十八匹且在馬騾五千九百四十四匹

頭倒死未補馬騾三七百匹頭無別項銀兩之勅  
止仗椿頭一項百年無可完之期父子相繼住俸無  
可開之日要於太僕寺寄養馬內量撥三三千匹前  
來給軍或於山西布政司暫開上馬事例補完原額  
馬匹庶官旗俸糧得以關支一節查得前項成化十  
四年本部題 准通行大同偏頭關等處查勘如果  
與彼處人情土俗相宜照京營事例倒失馬匹出辦  
椿頭銀兩買補不及八分者住俸追買如果未宜亦  
要回奏私治十四年本部題 准將朋合銀兩暫免  
追收椿頭銀兩照舊出辦彼成化十四年初行之時

山西三關巡撫官失於查議應否回奏就照京營事  
例追收椿頭銀兩買補不及八分者比較住俸又無  
追收朋銀以致遺累至今如太監吳經都御史張禴  
所奏若不依奏議處改正三關原額關領馬匹數多  
官軍該出椿頭銀兩數少每年住俸決無完期所據  
成化十四年巡撫官不行用心查勘應否回奏轉使  
依文轉行及照以後接管巡撫官員因循坐視不知  
查革以致三關官員無辜住俸通令查究但干碍人  
衆又犯在革前合無通免查究本部行文巡撫都御  
史張禴查照改正令後官軍倒死走失被盜馬匹例

該追收椿頭銀兩者該管官旗以十分為率追收銀兩不及八分者照例住俸完日方許收支其收完椿頭銀兩經由兵備副使查筭照依時價儘數收買馬匹不在八分不完比較之例以前住俸官員并正德十一年以前貧難官軍拖欠椿頭銀兩查勘明白俱准開豁停追以蘇困苦及照三關地方險要以守為主馬隊官軍已有七千未補馬匹不必補給行令都御史張檜再查見在官軍的有若干堪以領馬騎操若干不領馬步操防守若干將原有馬隊步隊官軍通融調撥務使戰守得宜公私兩便如果該添馬匹

另行具奏補給及查見在官軍若照京營事例通令  
出辦朋銀與椿頭銀兩贖買馬匹人情有無順便亦  
就具奏施行正德十三年五月十六日具題奉

聖旨是這比先失行事理著巡撫官查照改正其馬  
步官軍應否通融調撥或該添給馬匹等項事宜也  
著議處停當上緊奏來定奪欽此

為告領馬匹事

看得山西鎮巡等官都御史張禮等奏稱先年失行  
事理已行改正見在官軍一萬五千餘員名止有見  
在馬四千八百餘匹奏要於太僕寺見在寄養馬

景撥四五千匹一節查得太僕寺見在寄養馬數少  
及查前項正德九年山西三關有給銀買馬事例合  
無本部於太僕寺收貯馬價銀兩動支三萬兩就令  
山西都司進表官順便押運前去山西布政司交  
割寄庫差去官沿途合用廩給馬匹并車輛護送官  
軍俱照例起撥應付仍行巡撫都御史會同鎮守等  
官從長計議或選委能幹官員於出產地方收買或  
給與缺馬官軍自行收買務在處置得宜毋致虧官  
損軍所買馬匹務須經由兵備副使逐一驗看堪中  
轉送山西行太僕寺印烙給軍騎操如有高臺價值

侵尅官價情弊依律究問不許分派州縣逼民包陪  
事完之日將買過馬匹毛齒給過官軍姓名并用過  
銀兩數目備細造冊送部查考及看得奏稱馬隊步  
隊官軍委難通融調撥一節臣等議得邊關官軍殺  
賊人人有馬委的便於馳驟但欲令軍自養多無空  
地可牧欲官為支給又無民草可供所以往年召商  
買草生弊百端逼軍陪補為害滋甚山西三關在大  
同之南頗有山險可據况古人防邊多有以步戰取  
勝者近年都御史孟春在宣府列步陣以却虜去年  
總兵官王勛在應州督軍下馬步戰始能固守營壘

不為賊所蹂躪若謂馬隊步隊難以通融調撥恐未  
喻本部建議之意亦未知本邊不習步戰之弊也合  
無本部再行都御史張禮等從長計議人口無傳報  
聲息或追逐勢小達賊去處多設馬軍於虜衆必由  
可以遏截阻剄賊鋒去處多設步軍務使竒正相倚  
戰守並用以保萬全不必專恃馬力以求必勝其有  
馬官軍官立草場以便夏秋牧放預處草料以待冬  
春支給務使馬無倒死不頻奏討斯為得策正德十  
三年十月二十四日具題奉

聖旨是動支銀兩買馬給軍等項依擬行其馬步官

軍通融調用事宜還行與巡撫等官知道欽此

陝西延寧類上

延寧者延綏寧夏三鎮也延綏云者延安府綏  
德州也綏德在秦時為上郡歷漢隋唐皆為邊  
鎮宋初沒於西夏元平章孔與據守

國朝洪武二年平定陝西孔興北遁設綏德衛  
屯兵數萬守之分撥綏德衛千戶劉寵屯治榆  
林正統中命都督王禎鎮守延綏始議築榆林  
城及沿邊十八寨移鎮於彼成化七年置榆林  
衛八年都御史余子俊開廣榆林城垣增置三

十六營堡寧夏即古朔方地歷洪隋唐皆為郡  
縣宋趙元昊據之稱西夏與宋延熙熙河分  
界元置行省

國初棄其地徙其民於陝西洪武九年立寧夏  
等五衛後命將鎮守嘗攷之漢文帝時匈奴寇  
上郡雲中詔將軍周亞夫等屯兵近郊以備之  
未嘗窮兵遠討也武帝時匈奴連年入寇屢遣  
衛青等擊之遠遁然兵退復入寇又大入破塞  
外城障欲再舉兵而海內已虛耗不可再舉矣  
故武帝末年深悔之唐太宗時突厥合十餘萬

騎入寇至渭水便橋之北豈以太宗之英武而素不能為之備哉勢有所不能也其後突厥頡利政亂諸夷叛之又民大饑牛馬多死始遣李靖乘其隙而襲破之以其降衆雜處中國終唐之世內亂多而邊患少非太宗一時之戰功能使其久遠不犯也值虜運自衰耳以今日陝西邊備論之國初因秦漢之舊以綏德為邊衛東自葭州黃河起西至寧夏界定邊營足七百餘里中間岡阜相連有險可據猶易為守自移鎮榆林綏德官軍多徙居之在綏德者不及什一

自是延慶之民困於遠輸則日益流徙田多荒蕪  
戶口減什之六七而邊儲日益匱乏矣虜賊大  
舉或由榆林東雙山堡等處入寇綏德或由榆  
林西南定邊營花馬池入寇固原等處榆林之  
兵其在東也則以無險而不能守其在西南也  
則以路遠而不能援而綏德舊鎮則以兵寡而  
不能禦則移鎮榆林者未見其為利也明矣惟  
東自定邊營起西至寧夏東黃河岸橫城堡止  
三百餘里中間皆平漫沙漠無山谿之險故虜  
賊大舉多由此入寇故論者多欲於此地增築

城堡募兵以守而未易成也為今之計宜量撤  
兵卒之半復還綏德使守險拒敵遏其深入又  
可減省遠輸以甦民困其榆林及新設城堡各  
計其屯田歲入之數留兵屯守以立孤懸之勢  
而移置其多餘者屯於定遠營要害之地委謀  
勇將官統之寧夏亦委將官調兵於花馬池住  
劄又調集內地驍健之兵屯於固原令原設總  
兵官常住其地提督操習谷克其饋餉如料虜  
將有大舉入寇之機定邊寧夏固原三路合兵  
防禦擊殺如此雖不能使其必不侵犯而自足

以制其不敢深入而又於平時愛養內郡之民  
力以固根本可使制挺以誅胡虜之兵而內無  
土崩之勢至於守邊將帥失利究其所由以行  
黜罰而無縱濫使官得久任而邊備無廢弛如  
斯而已矣若曰必使虜不內侵或欲連數百里  
之地盡築城堡則力有所不贍或欲置重臣總  
制三路之兵以抗其衝則智有所不及又欲發  
數十年之師直搗虜巢滅其種類則勢有所不  
能皆非今日之可行也

為預虞虜衆在套不時入境搶掠為害地方事

看得巡按陝西御史常在奏稱總兵官侯勛傳報聲  
息手本止開統領固原衛官軍一達指揮孟澤等六  
百七十員名延綏官軍指揮王指蘭等一百四十一員名  
以一總兵官統領官軍尚不及一千之數則兵之不  
足可知矣乞要從長計議轉行總制都御史鄧璋同  
各該鎮巡等官急為精選人馬整飭器械但係套賊  
緊關出沒處所各選智勇官員分投統領嚴加防禦  
若有不足急為奏請定奪一節查得近該巡撫陝  
西右侍郎馮清等奏稱虜中走回人口王浩加報稱  
虜賊欲到秋涼大舉入寇等情本部議得固原地方

兵力寡弱擬將河南秋班京操官軍撥調前去陝西防禦正恐臨時調遣緩不及事之意今御史常在奏稱鎮守陝西總兵侯勛統領官軍數少又稱今日套賊全陝安危所係甚重甚大至緊至急無非先事預防之意合無本部再行總制都御史鄧璋與陝西鎮巡等官從長計議如果陝西省城并固原地方兵力寡弱不能支持仍照本部原擬將河南秋班官軍量定數目上緊移文徵調前去選委驍勇將官統領操練防禦截殺不可循習故常惟知奏討京軍遠出勞費却以河南操軍為不堪用不行調取以致誤事各

有所歸若果陝西固原兵力足用賊勢稍緩不敢深入保無他虞不必調取惟在從宜計處不可偏執一見本部再行巡撫陝西右侍郎馮清查勘本省收貯軍器盔甲等項如果數少不敷給領速行巡撫河南都御史蕭紳并布政司將河南見造完軍器盔甲鎗刀等件給與聽調官軍領用本部行移巡撫河南都御史蕭紳等一體遵依施行各不許遲誤正德十年八月初五日具題奉

聖旨是欽此

為北虜大舉入寇隴州亦卜剌賊衆侵犯洮岷

事情緊急請命將官統兵征討事

照得北虜小王子大勢達賊與亦卜剌賊衆俱在陝西寇擾先該本部逆料有此大患先奏要設提督大臣在甘涼洮岷一帶防禦又奏要預調河南京操官軍前去陝西備禦俱未蒙准行即今御史常在奏來事勢十分危急若不議處誤事非輕合無於見在團營將官內請

旨簡命謀勇素著曾經戰陣將官一員請給

制勅掛印充總兵官并符驗旗牌等項俱照例給

付聽本官於各營官自行選帶驍勇慣戰頭目官軍五

百員名正馱馬七百五十匹不許奏帶不堪征戰之人  
人撓壞軍法限十日以裏啓行前去統領河南見操  
秋班官軍一萬員名再於陝西腹裏征調見在官軍  
民兵統領殺賊督餉侍郎馮清隨軍備運供給其陝  
西鎮守以下官悉聽節制應與總制右都御史鄧璋  
計議者火速會議而行出征官軍馬匹合用賞賜并  
行糧草料軍器什物行移戶工二部照例關領應付  
仍各差官一員沿途預備供給本部差主事一員領  
勅前去河南陝西會同巡撫都御史選委廉幹官員  
會按處置收買馬匹查取軍器隨軍應付不許怠慢

失誤違者依律叅究行移吏部撥史一名跟隨書辦  
照例應付本部仍通行府部科道等衙門如有御虜  
長策悉聽各陳所見采擇施行務以在切實明白不必  
虛飾繁文正德十年九月初三日具題奉

聖旨是張洪着掛征虜將軍印充總兵官前去陝西  
地方提督各路軍務寫制勅與他原領勇士着許恭  
等管領其餘事宜都依擬行欽此

為達賊大舉侵寇腹裏殺虜人畜殘害地方事  
看得

韓王奏稱本年八月初二日辰時達賊大舉自西路

至平涼府城外倚北山一帶駐營日間四散搶掠夜則蟻聚窠穴火光遍野賊勢驕橫深山僻野無處不到殺虜人畜不計其數悉屍原野甚為慘毒至初六日方回誠恐夷虜野心譎出百端將來事情未敢料度乞要早為裁處一節先該巡按陝西監察御史常在奏稱達賊侵入腹裏地方搶殺人畜等情已該本部議擬題奉前項 欽依切責總制鎮巡等官用心協謀隨宜戰守又該本部議得北虜大舉入寇隴州亦卜刺賊衆侵犯洮岷事情緊急請命將官統兵征討議擬明白具題外今

韓王又奏前因臣等別無議處其奏稱殺虜人畜不計其數一節必是真實誠恐所在官司日久隱匿避罪合無本部移咨都察院轉行巡按御史上緊查勘具奏定奪及照用兵禦虜糧餉當充近該戶部奏開生員納銀事例俱赴陝西布政司上納誠恐各處生員路遠倒文展轉遲誤合無行移戶部從長計議先查見在解到銀一十萬兩差官運送陝西交與侍郎馮清隨軍供給却將原開生員事例納銀改赴順天府陸續上納照數補還庶濟急用臨敵不乏如果此議可行徑自具奏定奪正德十年九月初七日具題奉

聖旨是這失誤事情待地方稍寧着巡按御史查勘  
明白來說解納銀兩事宜戶部便議處具奏定奪欽此  
為北虜大舉入寇隴州亦卜剌賊衆侵犯洮岷  
事情緊急請命將官統兵征討事

看得右都督張洪奏要調取鎮國府左叅將宋斌贊等  
管領下班官軍三千員名遼東千總官葛蔓楊春等  
見領三屯營備邊官軍二千員名再行遼東千總官  
段錦并魯祥等挑選附近山海駐劄官軍一千共三  
千一百三十三員名統領殺賊及要將在監官犯馬  
驃等三十餘員名軍前當鋒哨探一節先該本部議

擬陝西將領不得其人以致失事必須另用謀勇大將前去宣布

天威震懾夷虜安輯關中又恐此時虜賊得利已去多帶軍馬路途勞費以此議擬止帶驍勇慣戰頭目官軍五百員名到彼量調各路軍馬及就近調河南官軍前去應用今右都督張洪特蒙

皇上簡命授以征虜重寄利害切身因見鎮國府左叅將宋贊等所領宣府官軍驍勇可用本官生長遼東又知彼處官軍健捷慣戰及知為事官馬驃等平昔驍勇有過可使故有此奏查得宣府遊兵三千見

晉書卷之四  
調陝西及近年遼東官軍亦曾調去江西殺賊成功  
况總計動兵不過六千之數用將用謀似應准擬但  
兵貴神速本部原擬限十日內啓行今已過八日合  
無請

旨督責右都督張洪作急挑選精銳頭目官軍五百  
員名關領賞賜馬匹盔甲齊備擇日

皇上早朝面遣張洪掛印上緊前去本部差官前去  
宣府調取左叅將李贊等所領入馬三千就彼起程  
前去延綏等處聽調殺賊其先調去宣府余鎮遊兵  
三千或仍留陝西或發回宣府防禦俱候右都督張

洪到彼相視賊情緩急斟酌定奪再各差官前去遼東并三屯營等處依其所奏調取葛蔓陵錦等官軍三千餘員名并為事官馬驃等開查的確姓名就交與段錦等為東寇期起程俱赴右都督張洪處聽調殺賊不許時刻遲誤但係右都督張洪統調官軍自副叅以下敢有不用命者悉聽以軍法從事前項邊軍六千既已調用其河南官軍聽巡撫都御史蕭翀於內揀選有馬精銳官軍約會右都督張洪調用不必拘定原數及行提督邊務本部右侍郎陳玉副總兵桂勇等斟酌彼處賊情果有聲息緊急就便差官

賁文前去遼東總兵官韓爌處於附近關口駐劄軍馬內調取二千星馳前來薊州各邊應援不許兩相推諉如已畏服照舊入貢不必調取再照舊例總兵官出征俱有督餉大臣隨軍備運近年陝西地方為因連年用兵災傷無收糧草甚是缺乏今右都督張洪軍到去處儻缺供給貽患非輕雖有右侍郎馮清在彼督理軍餉因本官職兼巡撫不得專一隨軍整理近該戶部題准將陝西三邊年例銀一十三萬兩送侍郎馮清處通融支給誠恐三邊得知係是本邊該用之數又來馮清處支去今次出征官軍必無供

給急難應付合無乞

勅戶部照例請

勅差大臣一員與同右都督張洪一同前去總督軍  
餉庶軍餉有備不致臨期誤事正德十年九月十六  
日具題奉

聖旨是陝西地方虜情緊急着太監張忠監督軍  
務帶領宋贊下班官軍三千員名從北路去張洪帶  
領原擬官軍五百員名并所奏馬驃等從南路去至  
彼會同總制都御史調度各路軍馬殺賊務期成功  
以靖地方葛蔓等官軍不必動督餉大臣戶部便議

推兩員來看欽此

為大舉達賊拆牆進入搶掠官軍晝夜對敵斬獲賊首達賊夷器等事

看得延綏鎮巡等官都御史陳璘等奏稱虜賊糾集數萬擁入腹裏綏德等處地方搶掠本鎮遊奇兵馬將及一萬總制都御史鄧璋盡行調去固原截殺見在土客兵馬不上數千衆寡莫敵官軍奮勇斬獲首級三顆陣亡官軍一十八員名重傷官軍三百三十四員名射死重傷倒死戰馬三十九匹及叅稱把總坐堡都指揮千百戶等官彭斌坐各不能嚴謹設備

防禦以致賊衆拆墻深入損折官軍搶殺人畜俱合  
有罪一節切照延綏一鎮軍馬素稱驍雄北虜畏懼  
今擁衆數萬越過榆林直入米脂等處地方肆行殺  
掠總兵官王勛巡撫都御史陳璘鎮守太監王競俱受  
朝廷重托專守榆林一鎮地方不能先事預謀留兵  
自守以致失事委難辭責但見今虜寇未退緊急用  
人之際况中間失事情節未經查勘數內重傷官軍  
三百三十四員名恐有不實亦係陣亡之數及該陳  
璘等奏稱本鎮遊奇兵馬將及一萬總制軍務右都  
御史鄧璋盡行調去固原等處截殺見在土客兵馬

正德通志卷四  
三十一  
不上數千以寡敵衆拒賊出境不得久掠等因若果  
所奏是實則是登璋所調延綏軍馬既不能為固原  
之助又致失延綏之守合無請

勅切責王勛陳璘王競加謹惕勵用心籌畫整飭軍  
馬相機戢守并指揮彭楫等俱令戴罪殺賊各官果  
能奮勇設謀建立奇功准贖前罪若復因循懈怠或  
再致失事從重究治本部移咨都察院轉行巡按陝  
西御史會同差去給事中候查勘固原等處失機事  
情畢日將今奏前項延綏地方并陣亡獲功等項情  
節逐壹勘明各另具奏定奪于碍王勛陳璘王競

并彭械等指實叅奏正德十年九月二十晉具題奉  
聖旨是這地方失誤事情重大王勛陳璘王鏡本都  
當究治但緊急用人之際姑宥勅切責并彭械等都  
着戴罪殺賊其失事輕重并陣亡獲功等項人員還  
着巡按御史會同一併查勘明白來說欽此

為大勢達賊擁衆深入腹裏地方大肆搶掠人  
畜侵近城池為患等事

議得先年鎮守大同總兵官王墮許寧副總兵朱瑾  
鎮守延綏總兵官陳瑛近日鎮守宣府總兵官必璽  
大同總兵官葉椿薊州總兵官陳鏞各官中間多有

謀勇素著累立軍功之人皆可愛惜為因失機干犯國法不敢姑息俱已降級充軍革任等項處治發落所以服人心防後患也今潘浩手握重兵專守寧夏虜賊入境不能禦防法當究問而因已調用不加罪責令其上緊赴任其太監張昭都御史邊憲比與潘浩責任不同而反令戴罪殺賊不惟各邊將官失機得罪者聞之不服張昭邊憲亦未免不服也况潘浩先任大同副總兵與葉椿同有失事僥倖轉陞寧夏今在寧夏失事又得僥倖調過宣府誠恐各邊將官聞風倣倣不肯輸忠盡職惟務僥倖苟免地方安

危關繫匪輕臣等懇懇言之誠以虜患不足畏廢法大可畏也伏望

皇上公行大法斷自

宸衷令潘浩與張昭邊憲等一體戴罪殺賊其潘浩仍照先年舊例降做為事官就令跟隨右都督張洪調度殺賊以後潘浩果建奇功及差官查勘潘浩失事情罪頗輕另行議奏准贖前罪或取回別用若失機情重又無功可贖仍付法司依律問治以懲將來其宣府總兵官員缺本部照例會官推舉相應官二

員上請

簡命員前去鎮守庶法令昭彰人心畏服將士用命虜賊可破矣正德十年十月初四日具題奉

聖旨潘浩已有旨了還著給事中等官待陝西寧之日一併查叅了來說欽此

為北虜大舉入寇陝西隴州亦卜刺賊衆侵犯洮岷事情緊急請命將官統兵征討事

照得先該本部具題前事奉

聖旨着右都督張洪掛征虜將軍印充總兵官提督陝西各路軍馬續又奉

聖旨着太監張忠監督軍務又該本部會官推陞左

副都御史陳天祥提督軍務今照十月各官啓行計至十一月間方可得到陝西誠恐遲誤又恐以後黃河凍堅虜賊出套過河却乃宣大地方搶掠臨時計處遲誤乞早擇日伏請

皇上視朝面遣右都督張洪掛印從南路去陝西如遇虜賊入寇就便相機剿殺仍乞

勅太監張忠都御史陳天祥從北路上緊去陝西與張洪會合一處計議用兵若到陝西亦卜刺賊已出境黃河套賊過河往東宣大地方住劄各一面奏

聞一面統領原調軍馬并照例調取延綏遊奇兵馬

前赴大同等處地方料度賊情相機剿殺其宣天鎮  
巡以下官并各路軍馬悉聽節制調遣如陝西之例  
提督軍餉侍郎馮清亦同各官隨軍備運俱不必臨  
時奏請待報失誤事機各官務在殫心竭力運謀設  
策料敵有准出師有功陞賞不吝不可鹵莽失策老  
師費財咎有所歸其軍馬經行去處仍要紀律嚴明  
部伍清肅所過地方秋毫不犯斯為賢能正德十年  
十月初八日具題奉

聖旨是黃河將凍虜情譎詐難以預料張忠着統領  
官軍且在宣天地方住劄差人查探果有緊急賊情

前去會兵征剿張洪先從山西路去延綏與陳天祥  
相機行事若賊衆過河東行一面四軍防禦截殺一  
面星馳奏報都換勅與他亦卜刺賊情只着陝西鎮  
巡官隄備其餘依擬行欽此

為陳管見以禦虜安邊事

看得給事中任忠所奏大意謂

朝廷命將出師固是禦虜之策但虜賊聞出師而暫  
退見班師而復來徒費糧草不得成功莫如以守禦  
為本明賞罰又任人邊備既修夷狄自畏臣等切念  
近年以來為因守臣數易賞濫罰輕以致封守不固

胡虜內侵黎元受禍給事中任忠所言切中時弊但  
今邊務廢弛已久虜賊強盛大舉入寇勢甚危急所  
以本部建議

命將出師蓋欲宣布國威振作邊方士氣如前代  
細柳棘門壩上之舉實非得已惟若議論不定朝更  
夕改機會一失必又勞費無功伏望

聖明再勅張忠陳天祥張洪料度虜情務期必申賊  
在陝西則為陝西之備賊過宣大則為宣大之謀閭  
外之事悉以付之不必遙制務使賊勢頓挫不敢深  
入內郡獲安不致擾害毋或失誤機會以致師老無

功若虜賊離遠佳牧不來侵犯即便具奏班師以省坐費其各邊守禦事宜聽各鎮巡官照舊施行不許推稱節制失機誤事本部仍行紀功御史從公紀驗以行賞及行給事中御史從公按覈以行罰除提督軍務都御史係暫差外其各邊巡撫都御史賢能可任者乞

勅該部查照成化年以前寧夏巡撫都御史賈俊等事例須待六年以上方許陞轉并總兵等官聽本部從公推舉亦須久任無故不必更調如此公行賞罰久任責成本邊將士皆可禦虜京營軍馬不必遠出

省費息民培固邦本當今急務莫先於此正德十年十月十七日具題奉

聖旨是禦虜安邊各項事宜都依擬行欽此

為虜中走回人口供說賊情事

看得巡按陝西監察御史常在奏稱達賊挈佳米脂縣生員張守約問延安陝西道路一節先該本部節次議擬具題請

命石都督張洪統兵前去陝西征剿及行各該鎮巡等官嚴加防禦外別無定奪其奏稱強賊百十餘人執打旗號自永壽縣地方一路流劫本年九月初九

日午時到於扶風縣劫掠百十餘家本年八月十四日忽有強賊七十餘騎到於靈臺縣地方學作番語搶殺人財密使探聽要來劫庫劫獄官民驚疑晝夜不安等情顯是窮民乘機作亂其學作番語強賊恐是各邊番賊流過平涼亦未可知若是腹裏賊盜豈能便會番語係干群盜劫掠地方重情深為可慮合無本部行文就令差來人賚與都御史蕭翀不必等候新陞河南巡撫都御史李允嗣交代星馳前去陝西巡撫會同總兵官趙文等整搦軍馬申嚴號令如果前項番賊尚未解散即便量調官軍設法剿捕務

要盡絕毋致滋蔓一面將賊情緩急起發根因星馳具奏以憑議處其巡撫并總兵等官必須用心籌畫處置得宜不許鹵莽忽畧致貽大患 國典具存決難輕貸及照扶風靈臺等縣賊番聚衆劫掠係干緊急軍情若非巡按御史常在奏報無由得知其三司府州并巡撫總兵守備等官互相隱匿俱不依律飛報奏

聞倘若前賊日又聚衆難滅矣誤機會貽患非輕律合究問合無本部移咨都察院轉行巡按陝西御史將前項隱匿不報賊情官員通查明白上緊參奏處

治正德十年十月二十二日具題奉

聖旨這各該隱匿事情着巡按御史通查明白來說欽此

為招番易馬事

看得巡茶御史王汝舟所奏洮州地方夷情被大勢達賊搶殺蹂踐極其慘毒所不忍聞又奏夷人說稱我西番人想說官軍護救我們不肯叫人馬來着救我們是我們走了可憐見不與我番人作主等語深可矜憫御史王汝舟因見番夷被害慮恐易馬有虧原額故有此奏臣等竊議正德九年

朝廷為因阿尔禿斯并亦卜刺達賊在於西寧等處  
搶殺為患本年三月內既設總制五月內復設總督  
相繼並至遠調延寧軍馬遂剿前賊以安番夷不意  
達賊番過河南殺害洮州等處番夷非御史王汝舟  
奏來彼處鎮巡等官通同欺罔互相蒙蔽何由得知  
其受害之慘詳悉如此致使百年易馬番人失所倚  
恃妨廢馬政誠非細故合無本部移咨巡撫都御史  
蕭翀嚴督新設協守副總兵都指揮使鄭卿整搦人  
馬嚴謹隄備如果前項達賊仍在洮州等處地方住  
牧搶殺應該調兵剿殺相機行事設法追剿如衆寡

不敵勢難進兵星馳具奏定奪不許仍前坐視隱匿  
如有故違聽巡茶御史指實劾奏其茶易馬匹番人  
既已被害許令不拘兒扇騾馬量添茶斤易換以後  
事寧照舊正德十年十一月二十八日具題奉

聖旨是都依擬行欽此

為專委任以弭盜賊事

看得巡撫陝西右副都御史蕭翀奏稱西安府申稱  
咸長華陰等縣地方自本年九月十月以來盜賊生  
發或五七成群或數十聚合騎坐馬匹懸帶軍器在  
於各該地方劫奪財物甚至殺人及稱平涼衛軍餘

李通等各告有囉哩李景卑等招添二千餘人無人  
禁阻徃徃劫殺人財必須專官總督緝捕除行各該  
府州縣擒捕一節查得先於正德十年十月內該巡  
按御史常在奏稱永壽地方強賊糾衆劫掠等因已  
該本部題奉前項 欽依行巡撫都御史蕭翀等量  
調官軍設法剿捕務要盡絕一面將賊情緩急起發  
根因星馳具奏以憑議處及行巡按御史將前項隱  
匿不報賊情官員上緊叅奏處治迄今三箇月餘都  
御史蕭翀雖奏前因不見備有前項本部原擬題奉  
欽依內事理及隱匿賊情官員巡按御史亦未查明

奏報臣等因見近年各處盜賊初起隱匿不報以致滋蔓難治所以節次申明律例奏准通行嚴隱蔽之法防未然之患前項陝西賊情既行鎮巡官剿捕又行巡按御史查劾伏蒙

皇上明炳先幾特

命巡按御史通查明白來說今各官未見奉行而巡撫都御史蕭翀鎮守太監廖巒各奏前項賊情聚至二千猖獗特甚係干地方重情不可忽視合無本部鋪馬賚文交與蕭翀會同廖巒并總兵官趙文從長計議量調官軍設法剿捕務要盡絕毋致滋蔓一面

將賊情緩急起發根因星馳具奏以憑議處一面通行河南山西四川湖廣隣境地方巡撫都御史會同三司官計議防範把截以防前賊奔逸入境為害本部再咨都察院行催巡按御史將前項隱匿賊情三司等官查勘明白遵照原奉 欽依內事理上緊回奏必寘之法以警將來不許似前遲慢正德十一年三月初十日具題奉

聖旨是欽此

為捉獲強盜事

看得撫治鄖陽都御史任漢及巡撫陝西都御史蕭

紳各奏陝西商州洛南縣地方盜賊事情係干聚衆  
百人以上流劫地方重情未見挨拏盡絕合無本部  
一咨巡撫陝西都御史蕭紳查照前項 欽定事例  
通將各官住俸挨拏候至半年不獲不分司府州縣  
衛所巡司掌印巡守巡捕等官俱聽巡按御史提問  
照例降級等項發落回奏查考不許徇情隱蔽貽患  
將來仍咨都察院轉行巡按陝西監察御史一體查  
照施行一咨巡撫河南都御史李克嗣選委謀勇官  
員密切體訪前項未獲強賊老吉秦杞等果係水寧  
盧氏等縣人民見今回縣潛住窩隱嚴督守巡等官

設法撫捕務要得獲監問亦不許虛張聲勢一槩驚  
疑激成他變仍查勘強賊老吉等果因守備署都指  
揮呂壘撫馭無方以致強賊肆志礦徒竊發坐視不  
挈就便指實叅奏提問并干碍地方守巡等官一併  
叅奏處治通行具內回奏母得似前因循坐視釀成  
大患若前賊在於河南地方捉獲陝西地方官員臨  
時具奏分豁一行撫治鄖陽都御史公勉仁公同副  
總兵李瑾等用心查訪陝西河南湖廣三省交界地  
方深山僻谷但有盜賊嘯聚兩相影射乘機出沒就  
便設法防範相機撫捕應與各省巡撫等官計議者

火速差人徑自約會施行毋得自分彼此互相推託釀成大患取罪非輕正德十一年三月十八日具題奉聖旨是這地方處置捕盜等項事宜便行與各該巡撫等官都着依擬行欽此

為陳言急脩邊務以保固地方事

看得鎮守陝西署都督僉事趙文條陳添設火器預防虜患等五事俱係地方軍務重情合就開立前件議擬明白伏乞

聖裁正德十一年四月二十七日具題奉

聖旨是准議欽此

計開

一添設火器預防虜患前件查得先為陳言事  
該鎮守寧夏總兵官張恭奏稱守邊之兵單  
弱天順六年奏准置造兵車一千二百兩遇  
賊擁衆入寇臣等統調官軍駕御分作二營  
互相掎角戰守每車一兩上置兩槍安小銅  
砲三箇四門四角各載大銅砲二箇車上用  
二人一人打神槍一人燃砲火每乘用卒十  
人推輓運車等因該本部議得前項所造兵  
車并車上合用槍砲等件俱令整理完備以

防虜騎衝突為守邊之取成化元年二月初

二日具題奉

憲宗皇帝聖旨是欽此又查得

大明會典神槍神銃等項火器俱係 內府兵仗局

掌管都司衛所季造止是編降字號手把銃

口其各邊城堡所用大將軍二將軍三將軍

并手把銃口一出頒降若銃口損失并給用

不敷巡撫鎮守官具數會奏方許自造今署

都督趙文奏要鑄造虎尾馬腿火砲各二十

箇各樣將軍三百箇載砲車五百兩送固原

發兵車廠收貯遇有大舉賊情城下列陣萬  
砲舉發等因固為禦虜一策但查會典事例  
外省不該擅自添造合無本部移咨都御史  
蕭紳會同鎮守總兵等官查議如果原降手  
把銅銃損失或不敷給用照例具數回奏請  
旨定奪其置造戰車一節聽各官查照先年事例徑  
自從宜置造

一請擬徵調鄉兵各蘇遠勞以便戰守前件查  
得陝西原調遊兵三千員名在固靖截殺內  
洮岷河秦臨五衛共一千七百五十員名平

涼原調官軍二千四百二十八員名在莊浪  
備禦今署都督僉事趙文奏稱洮岷等五衛  
去莊浪不過五百里去固靖二千餘里欲要  
改調平涼官軍赴固原洮岷等五衛官軍赴  
莊浪以近就近便於人情誠為有理及要於  
階文等所抽選官軍六百五十員名補足莊  
浪之數亦似可行但恐先年分撥別有所見  
難便定奪合無本部移咨都御史蕭翀公同  
三司官查勘如果依其所奏互相更調抽選  
人情事體兩便別無違碍經久可行就便明

白具奏定奪若有違碍難以施行宜從照舊  
中間弊病設法查處禁革亦不可因襲故常  
盜致廢弛

一添設寨堡收斂人畜以保搶掠前件看得所  
奏要於華亭隴州崇信等處修築寨堡以收  
人畜添設墩臺以便瞭望一節誠為有理但  
前項地方在延寧腹裏設使延寧地方慎固  
封守虜賊不敢深入何待腹裏處處皆築寨  
堡况寨堡墩臺之設必買財力而居民散處  
家業已定拘集一處情必不堪至於添設墩

臺就令本處地方居人守瞭且驅耒耜之民  
充哨瞭之後官吏乘機作弊必至生事擾人  
合無本部移咨巡撫都御史蕭翀公同三司  
官從長計議如果民居團聚本處情願修築  
寨堡以自護衛者聽從其便其接連延安緊  
要道路原設有城堡去處量設墩臺就令本  
城堡之人哨瞭傳報不必另再傳報負累  
逃其奏要將州縣驛遞城郭查勘修理一節  
合行依擬修築不許遲誤

一添築墩臺以便傳報前件看得所奏去歲套

賊俱由打狼等路無墩空地取徑奔固原人不知覺要於打狼至馬剛堡彭陽城平涼至鎮原縣起倩附近軍民修築墩臺以便瞭報彼鎮見有古跡墩臺但工程繁多一節所言似為有理但恐先年已曾修築後因地方寬廣人力難守以故廢弛若又修成恐枉費財力糧餉難供缺人守望又致廢弛况墩臺之設宜在邊地而內地似非所宜禦戎之道宜急安內而攘外似非所急秦築長城萬里無補咸陽一炬倏使添設墩臺不困民力臣等

豈敢過論合無本部移咨都御史蕭翀公同  
三司官計議如果依奏添設墩臺不勞民力  
不費糧餉經久可行即便依擬施行若工程  
浩大勞費財力姑且照舊不必添設坐困中  
國其哨探虜情傳報聲息事宜亦要從長計  
議作何處置可以先知不知誤事徑自從宜  
施行應具奏者奏請定奪

增軍設所以實邊備前件查無都御史黃寶  
等奏詞抄出在卷合無本部移咨巡撫都御  
史蕭翀查勘弘治四年有無將添設紅古城

守禦千戶所緣由具奏仍公同鎮巡三司官  
計議即今應否設立明白具奏定奪

為慎選擢以重民兵事

看得巡按陝西監察御史常在所奏䟽通渠道以廣  
水利四事戶工二部查覆外其言更駐劄以防要害  
等六事皆禦虜安邊興廢補弊之意合就開立前件  
議擬明白伏乞

聖裁正德十一年八月初四日具題奉

聖旨是准議欽此

計開

一更焦劄以防要害前件查得先為處置邊務  
事該總督叅贊并陝西寧夏延綏鎮守總兵  
巡撫等官寧晉伯劉聚左都御史王越太監  
劉祥王清少監張遼都督范瑾許寧都御史  
馬文并余子俊徐廷章等會奏叅互議得定  
邊新興安邊永濟四營堡俱係平漫沙漠去  
處難以打墻挑壕賊易窺見虛實軍馬難以  
出入近年叅將錢亮於安邊營咫尺之遠被  
圍失利足為明鑑及鎮靖堡已行奏准那回  
塞門今議得定邊等四營堡俱合那移就險

而守但定邊營接連寧夏花馬池營此固便利彼無鄰援合當照舊不動止將新興堡那於迤南古迹海螺城安邊營那於迤南地名中山坡永濟堡那於迤南地名上紅寺鎮靖堡不必那回塞門却那於迤北白塔澗口以守則固以戰則利該兵部依擬具題成化九年九月二十四日奉

憲宗皇帝聖旨准擬欽此欽遵緣安邊營係成化九年都御史王越馬文升余子俊等多官會議那移事理必有所見今要復回舊安邊營改

調官雷丁事體重大難備定擬合無照舊待年  
豐事寧再議

一增兵衛以保地方前件看得所奏要將靈州  
守禦千戶所改為靈州軍民指揮使司惠安  
堡改為小鹽池千戶所切緣每衛要設立五  
所每一千戶所又要設十百戶所每一百戶  
所又要召軍一百名及選除軍職召募軍人  
并合用蓋造衙門倉廩定撥起運糧草俱未  
見議擬作何區處緣由明白係干事體重大  
難便定奪合行巡撫陝西都御史公同巡按

御史三司官計議停當應否施行具奏定奪  
一設管堡以便防守前件看得所奏要仍將各  
堡交界去處已築未完什字間軌井二城查  
修完備各選委把總坐堡官員將各處免糧  
土兵并原逃召募軍人俱清及前來及再為  
請給銀兩召募新軍在於二城修築就將附  
近地土撥軍屯種公館衙門倉廩草場一一  
修復選官鑄印坐撥糧草等項事宜無非欲  
慎固邊防之意若果一舉事集有何不可但  
臣等所見開邊地戍坐四中國自古難興

工動衆勞費財力決非容易本部職司邊備  
豈不欲築長城決大壑以限華夷為長治久  
安之術歷觀載籍前古所行皆可以為戒况  
今陝西連年災傷百姓窮困正當偃兵息民  
不宜生事紛擾所據前奏合候年豐事寧議  
處施行

一嚴事例以禁冒功前件查得買功賣功人員  
已有法司會議奏准事例本部擅難別議况  
律例責在遵守不在過嚴所以舊例凡遇用  
兵必差御史隨軍紀驗以公賞罰若使各官

依公紀驗造冊奏繳則不必嚴法事自公道  
合無本部通行申明禁約如有犯者照依律  
例究治

一處墩軍以均勞逸前件看得軍士之苦莫過  
於邊軍邊軍之苦莫甚於哨守今御史常在  
要將各邊老家馬步軍人編定班次輪流守  
墩亦均勞逸以憫人窮之意合無本部移咨  
陝西各邊巡撫都御史查議無碍從宜施行  
一選軍士以備征調前件依擬

為革冗員以安邊方事

查得陝西延綏寧夏甘肅三邊先年各設總兵官一員掛印鎮守係是舊例其陝西省城并固原地方原無設立為因弘治十四年達賊大舉入寇方纔暫設總兵一員於固原住劄不久裁革以後或留或革或兩員並設事體不一近年又將副總兵趙文暫移河州住劄原議虜寇寧息另議定奪見今趙文陞充總兵官專一固原住劄鄭卿陞副總兵更代仍在河州其亦卜刺等賊已過河西事已照舊河洮岷三州舊各有守備官一員足以責委今戶部署郎中馬應龍奏要將副總兵鄭卿照舊裁革委的事理相應亦

與本部原擬相合及照鄭卿先任甘肅遊擊將軍該吏部尚書楊一清保舉關於弓馬習於戰陣臨機有謀遇敵不怯以此本部會官推陞副總兵協守陝西今署郎中馬應龍奏稱本官在彼無事高坐罔恤軍民疾苦窮極剝削絲髮無遺頭目家人作弊百端等情合當究問但無指實合無將鄭卿革回原衛帶俸本部行移巡撫巡按官通行嚴加訪察禁治果有貪害實跡叅奏治罪其鄭卿原任協守副總兵員缺不必推補河州洮岷等處事情聽巡撫都御史督同兵備副使并各守備官照舊施行正德十一年九月二

十二日具題奉

聖旨是鄭鄉既固恤軍民弊端百出便革了任著回原衛帶俸待查奏至日來說其餘事宜依擬行欽此

為傳報緊急聲息事

看得巡撫陝西都御史蕭紳等所奏今年九月二十日花馬池達賊七百餘騎從定遠營入境又二百餘騎從安朔墩入大鹽池搶掠叅將閻勳人馬追趕出境等情切詳此賊恐是住套零賊或是近日找筏過河零賊皆未可知尚不足慮即日黃河凍合若大勢虜賊通過河西入套住牧擁衆南下深為可憂已該

本部前項議奏班師之時差人賫文前去延綏寧夏固原交與鎮巡等官各便查照往年事例斟酌今日時宜預先謀議應該作何防禦可保虜衆不敢似上年深入侵犯將議處方畧各另星馳具奏不許怠忽遲緩外但恐各官仍有輕忽不肖用心早謀又恐新任鎮守延綏太監于喜不肖協謀偏執誤事合無本部再行鋪馬賫文交與陝西寧夏延綏各該巡撫都御史查照前項本部題准事理務要預先協心謀議不許偏執自用若虜衆過河入套住牧應該作何防禦可保虜衆不敢似上年深入侵犯將議處方畧各

另星馳具奏不許怠忽延緩失誤軍機自取重譴及  
照固原總兵官趙文儒雅雖有可稱謀勇尚未自見  
都御史蕭紳用兵日久豁達有為合無行令蕭紳不  
妨巡撫前去固原住劄與趙文計議防禦虜賊事宜  
庶得專心戎務事能預立倉卒不誤正德十一年十  
月二十六日具題奉

聖旨是這地方事重蕭紳着不妨巡撫暫去固原住  
劄以便計議行事其餘各依擬行欽此

晉溪本兵敷奏卷四終